

Ο ΑΓΙΟΣ

ΒΑΣΙΛΙΟΣ



MESHA E  
SHËN VASIJIT TË MATHË

## **MESHA E SHËN VASIJIT TË MATHË**

**Diak.:** Bekò,o Zot.

**Prifti:** E bekuar Rregjëria e Atit,e Birit edhe e Shpirtit Shejt,nani e për gjithëmonë e per jetë të jetëvet.

**Pop.:** Amin.

**Diak.:** Në pakje parkalesiëm t'ën'Zonë.

**Pop.:** Lipisi, o i Madh'in'Zonë.

**Diak.:** Për pakjen s'larti e për shëndetën e shpirtravet t'anë, parkalesiëm t'ën'Zonë .

Për pakjen e gjithë jetës tërë, e për gjëndresën e Klishëvet shejte të Perëndis, e sa t'ë gjithë një të jenë,parkalesiëm t'ën'Zonë.

Për këtë Shpi shejte e për gjithë ata që këtu hijën më besë, me poni e me trëmbësi të Perëndis,parkalesiëm t'ën 'Zonë.

Për Episkopin t'ënë (.),për të ndershmen Priftëri e Diakëri te Krishti,për gjithë Klerin e popullin,parkalesiëm t'ën'Zonë.

Për të Parëtë t'anë,për gjithë shpin e ushtrin e'tire,parkalesiëm t'ën'Zonë.

Për Horën t'ënë e për nga Kjitet edhe horë e për gjithë ata ç'i jesiën me besë,parkalesiëm t'ën'Zonë.

Për motin e mirë,për burimin e pemëvet të dheut e për kjëronje të pakjëshëm, parkalesiëm t'ën'Zonë.

Për ata që jane mbi dejt,për në dhromë,të sëmurë,që janë e riejën,për ata që jane në fulakji e për shëndetën e'tire; parkalesiëm t'ën'Zonë.

Sa të na ruanjë nga çëdo helme,mbrì,rrëzikje e mieri, parkalesiëm t'ën'Zonë.

Ndihna,shpëtona,kijna lipisi dhe ruana,o Perëndi,me hirin t'ënt.

Tue kujtuar Zonjën t'ënë po virgjërë, Mëmën e Perëndis,Shën Mërin,gjithë shejte,të dëlirë, të bekuame dhe të lëvduame bashkë me gjithë shejtrat,na e njeri me t' jetrin edhe gjithë gjellën t' ënë i truajëm Zotit Krisht Perëndi.

Pop.: Tij, o i Madh'in'Zot.

**Prifti:** O i Madh'in'Zot,Perëndia jinë,fukjia e të çilit ngë mëndë ndëlgonet,dhe lëvdia isht e pakuptuashme, lipisia e pasosme e dashuria e parrëfieshme.

Ti,o i Madh'in'Zot,për sa e madhe isht

mirësia jote,prir siun t'ënt mbi ne e mbi  
këtë shpi shejte: dërgò mbi ne e mbi ata  
çë me ne të parkalesiën të shumtat lipisi  
dhe dhëmshurit t'ote.

Se Tij të nget nga lëvdi,nder e të  
përmisur:Atit,Birit e Shpirtit Shejt,nani e  
për gjithëmonë e për jetë të jetëvet.

### *Antifona e parë o Tipikà*

Bukur isht të lëvdojëm t'ën'Zonë e të këndojëm  
embrin t'ënt,o i larti Perëndi.

Pop.: Për parkalesit të Mëmës t'ënde, o  
Madh'in'Zot, shpëtona.

Lëvdi...nani..

Pop.: Për parkalesit të Mëmës t'ënde, o i  
Madh'in'Zot, shpëtona.

**Diak.:** Pameta në pakje parkalesiëm t'ën'Zonë.

Pop.: Lipisi, o i Madh'in'Zot.

**Diak.:** Ndhina,shpëtona,kijna lipisi dhe ruana, o  
Perëndi,me hirin t'ënt.

Tue kujtuar Zonjën t'ënë PoVirgjërë,'Mëmën  
e Perëndis,Shën Mërin, gjithë shejte, të dëli  
rë, të bekuame dhe të lëvduame, bashkë me  
g gjithë shejtrat, na e njeri me t'jetrin e

gjithë gjellën t'ënë i truajëm Zotit Krisht  
Perëndi.

Pop.: Tij, o i Madh'in'Zot.

**Prifti:** O I Madh'in'Zot, Perëndia jinë, shpëtò popullin  
t'ënt e bekò trazhgimin t'ënt. Ruaj në pakje  
plotësin e Klishës s'ate. Shejtërò ata që duan  
nderin e shpis s'ate: TI vet lëvdoi me fukjin  
t'ënde të perëndishme, e mos na le neve, o  
Perëndi, që tek TI vum shpresën.

Se jotia ë pushtetia, si edhe rregjëria e  
fukjia e lëvdia: e Atit, e Birit edhe e  
Shpirtit Shejt, nani e për gjithëmonë e për  
jetë të jetëvet.

Pop.: Amin.

### *Antifona e ditë o Tipikà*

In'Zot rregjëron e pështronet me nder të mathë; in'Zot  
vishet e me fukji rrethonet.

Pop.: Për parkalesit të Shejtravet t'atë, o i  
Madh'in'Zot, shpëtona.

Lëvdi...nani...

O I vetmi Bir e Fialë e Perëndis, Ti që je i  
pavdekshim, deshe të njerëzoeshe e të  
mirrie kurm për shëndetën e shpirtit t'ënë në  
gji të shejtes Mëmë e PoVirgjërë e Shë ' Mëri.

Ti që pa ndërruar njeri u bëre e vun ngrikj, o Krisht o Perëndi, me mortien t'ënde mortien shkele. Ti që je një nga Trinia shejte i bashkë lëvduar me Atin e me Shpirtin Shejt, jipna gjellë të pasosme.

**Diak.:** Pameta në pakje parkalesiëm t'ën'Zonë.

**Pop.:** Lipisi, o i Madh'in'Zot.

**Diak.:** Ndhina,shpëtona,kijna lipisi dhe ruana, o Perëndi,me hirin t'ënt.

Tue kujtuar Zonjën t'ënë PoVirgjërë, Mëmën e Perëndis, Shën Mërin, gjithë shejte, të dëlirë, të bekuame dhe të lëvduame, bashkë me gjithë shejtrat, na e njeri me t'jetrin e gjithë gjellën t'ënë i truajëm Zotit Krisht Perëndi.

**Pop.:** Tij, o i Madh'in'Zot.

**Prifti:** O Ti që na dhë hir të bëjëm këtë parkalesi gjithë bashkë e me gjithë një zërë, Ti që takse t'i japësh çedò dy a tre vetë vënë bashkë të lipjënë mbi embrin t'ënt, Ti vet edhe nani mbarò për të mirën t'ënë lipiet e shërbëtorëvet t'atë, tue na bër të njohiëm të Vërtetën t'ënde te këjò jetë e tue na dhënë të jatra gjellën e pasosme.

Se ti je Perëndi i mirë" e që do mirë gjithnjieri e na të japiëm lëvdì Tij: Atit, Birit edhe Sphpiritit Shejt, nani e gjithmonë e per jetët e

jetëvet.

Pop.: Amín.

### *Antifona e tretë o Makarismi*

Ejani të gëzonemi tek in'Zot; ngrëjëm zërin me hajdi Perëndis, shëndeta jonë.

Pop.: Shpëtona, o i Biri i Perëndis, i ngjalluri së vdekurish (i famasëshëm ndër Shejtrat), neve çë të këndojëm: Alliluia.

**Prifti:** O i Madh'in' Zot, Perëndia jinë, Ti çë te kjiellia vure urdhurë e ushtri Ëngjëjish e Arkëngjëjish për të shërbier lëvdin t'ënde, Ti kështù edhe bënë së bashkë me ne të hijën Ëngjëjitë shejtë, sa edhe bashkë me ne të shërbejën lëvdin t'ënde. Se nga lëvdi, nga nder e të përmisur të nget Tij: Atit, Birit e Shpirtit Shejt, nani e për gjithëmonë e për jetë të jetëvet. Amin.

### HIRIA E VOGËL

Diakani hinë te Vima merrë Vangjejin Sheitë çë i jep Prifti e bashkë dajën e tue i lipur bekimi thot:

Diak.: Bekò, o Zot, hirien shejte.

**Prifti:** Bekuar kloft hiria e Shejtravet t'atë, gjithëmonë, nani e përherë, për jetë të jetëvet. Amin.



**Prifti:** Dieja Shtuara!

**Prifti:** Ejani t'i falemi e i përmisemi Zotit Krisht. Shpëtona, o i Biri i Perëndis, i ngjalluri së vdekurish, ( i famashëm ndër Shejttat ) neve çë të këndojëm: Alliluia.

.....

**Prifti:** O Perëndi i shejt, çë prëhe ndër Shejtrat, çë je kënduar nga Serafimët me kënkën trishejte, e je lëvduar nga Hjeruvimët e je falur përmist nga gjithë Fukjtit e Kjielliës; Ti çë nga e mosklënia prure në të klënë të gjithë çëdo janë; Ti çë gjeshe njeriun si Fitira jote sa të të glisië dhe e stolise me Hired t'atë, çë jep dituri e urtësi kuj te lip, e ngë e nzier siun nga i mëkatruami, por i dhe pendimin për shëndetë; Ti çë na bëre neve të mierët dhe të pavlershmit shërbëtorë t'atë, të mire të rrijëm te këjò herë përpara lëvdës therorës s'ate e të të biem Tij dëtirën e të përmisurit edhë të lëvdimit, Ti, o i Madh'in'Zot, edhë nga goja jonë, nga na të mëkatruamë prit mirë këtë kënkë triherëshejte e me mirësin t'ënde prir siun i lipislar, ndëjena neve çëdo mëkatë e dashur e padashur; shejtërona shpirtrat e'kurmet t'anë e na dhurò sa të të shërbejëm si nget gjithë ditë e gjellës t'ënë, paj të Mëmës e t'in'Zoti e paj të gjithë Shejtravet, çë të kanë pëlqier çë prej jetie.

**Diak.:** Parkalesiëm t'ën'Zonë .

**Pop.:** Lipisi, o i Madh'in'Zot.

**Prifti:** Se Ti je i shejt, o Perëndia jinë, e na të japiëm lëvdi Tij: Atit, Birit e Shpirti Shejt nani e për gjithëmonë e për jetë të jetëvet. Amin.

**Pop.:** Amin.

Shejt Perëndi, Shejt i fukjishëm, Shejt i pavdekshëm: kij lipisi për ne. (Tri herë)

Lëvdi past Ati, Biri e Shpirti Shejt, nani e për gjithëmonë e për jetë të jetëvet. Amin  
Shejt i pavdekshëm, kij lipisi për ne.

**Diak.:** Fukji!

**Pop.:** Shejt Perëndi, Shejt i fukjishëm, Shejt i pavdekshëm: kij lipisi për ne.

---

Te dita e Pashkët e Pentekostës, e Krishlindies dhe e Epifanisë thuhet:

Oh! Sa në Krisht u pagëzuat, me Krishti ju u veshët': Alliluia.

Te dita e Krikjes e tek e treta e Diellëj e Kreshmëvet thuhet:

Krikjen t'ënde proskjinisiëm, o i Madh'in'Zot,  
e Ngjallien t'ënde të shejte lëvdojëm.

**Diak.:** Urdhurò, o Zot.

**Prifti:** I bekuar Ai që vienë në embër të t'in' Zoti.

**Diak.:** Bekò, o Zot, thronin të lartë.

**Prifti:** I bekuar je Ti o i Madh'in'Zot që rri mbi  
thronin e levdis te rregjëria jote mbi  
Hjeruvimtë përhërë, nani e për gjithëmonë e  
për jetë të jetëvet. Amin.

**Diak.:** Vumji're! DIEJA! Gjegjemi!

...

**Prifti:** O i Madh ' in ' Zot Çë njeriun do mirë bëj sa  
të shkëlqenjë te zëmbrat t'ona drita e thiellet  
për të njohur Tij si Perëndi e na sbill sit e  
mendies t'ënë për të ndëlguar mësimet e  
Vangjejit t'ënt: jipna trëmbërsirën e  
urdhurimevet t'atë të lumë,akjë sa tue  
shkelur dishirimet e kurmit,na mëndë  
ruajëm dëtirët e shpirtit,tue kujtuar e tue  
bërë gjithë atë që të pëlqjen Tij.  
Se Ti je, o Krisht Perëndi, drita e shpirttravet  
e të kurmëvet t'anë, e na të japiëm lëvdi Tij  
bashkë me Atin t'ënt të pa zën fill e bashkë  
me gjithë shejtin, të mirë e gjellëdhënës  
Shpirt t'ënt, nani e për gjithëmonë e për jetë

të jetëvet.Amin.

## BEKIMIN PËR VANGJEJIN

**Diak.:** Bekò, o Zot, atë ç'isht e vete të lajmëronjë Vangjejin të Shejtit Apostull e Vangjejtari (...)

Perëndia për parkalesit të shejtit,të Lëvduashëm Apostull e Vangjejtare...të dhëfshit vierrshë të lajmëroshë me shumë fukjì, në mbarim të Vangjejit të të Dashurit Bir t'Tij, Zoti jinë Iisu Krishti.

Diakani merr nga duart të Priftit Vangjejin Shejt e del nga Vima e thot:

DIEJA! Shtuara, gjegjemi Vangjejin Shejt.

**Prifti:** Pakje të gjithëve.

**Pop.:** Edhe shpirtit t'ënt.

**Diak.:** Piesë të Vangjejit shejt si shkruan Shën... (Luk.Matth.Mar.Jani)

**Pop.:** Lëvdi Tij, o i Madh'in'Zot,lëvdi Tij.

**Prifti:** Gjegjemi!

...

**Pop.:** Lëvdi Tij, o i Madh'in'Zot, lëvdi Tij. Për shumë vietë, o Zot.

**Diak.:** Të gjithë po thomi me gjithë zëmbër e me gjithë mendien t'ënë, po thomi.

**Pop.:** Lipisi, Lipisi, Lipisi, o i Madh'in'Zot!

**Diak.:** O Zot i gjithëmëndëm, Perëndia i Atërevet t'anë, na të parkalesiëm, Ti gjegjëna e kijna lipisi.

Kijna lipisi, o Perëndi, për sa e madhe isht lipisia jote, na të parkalesiëm, Ti gjegjëna e kijna lipisi.

**Prifti:** O i Madh'in'Zot, Perëndia jinë, prit mirë këtë parkalesi e glatë të shërbëtorvet t'atë, e kijna lipisi për sa të shuma janë lipisit t'ote; e derth dhëmshurit t'ote mbi ne e mbi gjithë popullin t'ënt, çë pret ngak Ti, burin e lipisivet t'ote.

**Diak.:** Parkalesiëm edhe për Episkopin t'ënë (...) e për të ndershëmen Priftëri.

Parkalesiëm edhe për vëllezërit t'anë:  
Priftëra, Diakëra, Kallogjerë e për gjithë vëllezërin t'ënë në Krisht.

Parkalesiëm edhe për lipisi, pakje shëndetë, shpëtim, kujdes, falie e ndëjes të mëkatëvet të shërbëtorëvet të Perëndis, çë rrojën te kjò Horë.

Parkalesiëm edhe për ata të lumë e të paharruashëm çë stisën këtë Klishtë shejte e

për 'gjithë prindrat e vëllezërit t'ane që vdiqjën me besën, e që flën varrëzuar këtë e ku do ndodhen.

Parkalesiëm edhe për ata që ndihiën e shërbejën mirë këtë e ndershëme klishtë shejte, për ata që i sbiren e i këndojën e për gjithë popullin që këtë ndodhet e pret ngak Ti të mëdhat e të shumtat lipisi t'ote.

Pop.: Për shumë vietë, o Zot.

**Prifti:** Se Ti je Perëndia i lipisis që njeriun do mirë e na të japiëm lëvdi Tij: Atit, Birit e Shpirtit Shejt, nani e për gjithëmonë e për jetë të jetëvet.

Pop.: Amín.

.....

**Diak.:** Parkalesëni, ju katikumenjë, t'ën' Zonë.

Pop.: Lipisi, o i Madh'in'Zot!

**Diak.:** Na të besmë per katikumenjë parkalesiëm t'ën 'Zonë.

Sa t'i ket lipisi i Madh'in'Zot.

Sa t'i mënsonjën atireve Fialën e s'vërtetës.

Sa t'i vunjën bashkë me ne te Klishta shejte katolike e apostolike.

Ndihi, shpëtoi, kiji lipisi dhe ruaji, o Perëndi,  
me Hirin t'ënt.

E ju katekumenjë ujëni kriet t'ajë t'in 'Zoti.

**Pop.:** Tij, o i Madh'in'Zot.

**Prifti:** O Perëndi i Madh'in'Zot, që rri tek i larti kjiell  
edhe ke siun mbi të përunjtisë, Ti që dërgove  
për shëndetën e njerëzëvet të vetëmin ler  
Birin t'ënt Perëndin Zotin Isu Krisht, vërrej  
shërbëtorët t'atë katikumenjë që kanë ujur  
kriet përpara Teje, Ti priti te hera e mirë të  
ken rilindien me pastrën e mëkatëvet, me të  
veshurën e paprishëris, Ti mirri bashkë  
brënda te Klisha jote shejte katolike e  
apostolike e nëmëroi te shokjëria bashkë tek  
i zgledhuri vathë jiti.

Sa edhe ata bashkë me ne të lëvdojnë embrin  
t'ënt, të gjithë ndershtëmin, e të  
madhëruashmin: të Atit, të Birit e të Shpirtit  
Shejt, nani e gjithëmonë e për jetë të jetëvet.

**Pop.:** Amín.

**Diak.:** Sa jini ju katikumenjë të dilni; o  
katikumenjë të dilni; sa jini ju katikumenjë  
të dilni: mos të kjëndronjë këtu edhe një.

Na sa jemi të besmë pameta në pakje,  
parkalesiëm t'ën'Zonë.

Ndihëna, shpëtona, kjijna lipisi dhe ruana,

o Perëndi, me Hirin t'ënt. Dieja!

**Prifti:** Të haristisiëm, o i Madh'in'Zot, e Perëndi i fukjivet, se na bënë të mirë nani të kjëndrojëm përpara therores s'ate së shejte e përmistë të lipiëm lipisitë t'ote për mëkatë t'ona e për të padijturatë e popullit. Ti, o Perëndi, mirë me hir këtë parkalesi e na bënë të mirë, sa të të faliëm Tij parkalesi e flijë të papërgjakshme për gjithë popullin t'ënt: e neve çë na vure te këta të shërbier bën me fukjin e Shpirtit t'ënt të shejt, sa na të mëndë të pakjertuashëm e të pafajëshëm ndë deshmi të dëlirë të ndërgjegjes t'ënë në çë do herë e vent të thërresiëm Tij, sa të na gjegjeshë e të na ftoneshë i butë paj të madhes mirësi s'ate.

Se Tij të nget nga lëvdi, nder e të përmisur: Atit, Birit e Shpirtit Shejt, nani e gjithëmonë e për jetë të jetëvet.

**Pop.:** Amín.

**Prifti:** Pameta në pakje parkalesiëm t'ën Zonë.

Ndihëna, shpëtona, krijna lipisi dhe ruana, o Perëndi, me Hirin t'ënt.

Dieja!

Pameta e shumë herë të përmisemi e të parkalesiëm Tij i mirë e çë njeriun do mirë, sa tue gjegjur parkalesin t'ënë, të na



pastroshë shpirtrat e kurmet t'anë nga çëdo mëkatë mishi e shpirti. Bënna të mirë të kjëndrojëm përpara therores s'ate shejte. E atire çë me ne të parkalesiëm, o Perëndi, Ti dhuroi përparim gjellie e besie e ndëlghim së shpirti. Atire pra çë gjithëmonë të shërbejëm me dre e trëmbësi e me dashuri, jipi sa pa ftesë e pa gjikjim të ken piesë te misteretë t'atë shejtë e te rregjëria jote në kjiellë.

Sa na të ruajtur, për herë, nga pushtetia jote të japiëm lëvdi Tij: Atit, Birit e Shpirtit Shejt, nani e gjithëmonë e për jetë të jetëvet.

Amín.

## HIRIA E MADHE

Pop.: Na këtù Hjeruvimtë mistikjisht tue shfakjurith, edhe na Trinis shejte gjellësore trishejten kënkë tue kënduarith, po lëmë nani mbë njanë e gjellës çëdo kujdes: sa të presiëm Rregjin...

**Tek e Intia e Madhe:** Të darkës t'ënde mistike, o i Biri i Perëndis, vur sot në pies edhe mua; se u armikjëvet t'atë misterin t'ënt u ngë i thomë, e ngë të puth si të puthi Judha, po si Kusari i mirë u të thomë: për mua kujtou, o Zot, o Krisht, o i Shejt te Rregjëria jote.

**Tek e Shtunia e Madhe:** Le të kjetet ç'do kurm i vdekëshim e le të kjëndronjë me dre e me dridhmë, e të mos kujtonjë në vetëhë gjë të dheut; se Rregji i rregjëravet e Zoti i zotërinjëvet vien sa të jet thertur, a të jipet si të ngrënë të besmëvet; e i shkojën përpara shokjërit e Engjëjvet bashkë me çëdo kriesi e Pushtet, Hjeruvimt me shumë sy e Serafimt me gjasht krahë, tuke pështruar fakjen e tue kënduar: Alliluia, Alliluia, Alliluia!

**Prifti:** Mosnjeri çë isht lidhur me dishirime e me pëlkjime mishi, isht i mir të vinjë, të kjaset, të të shërbenjë Tij, o Rregji i lëvdis, se të shërbierit Tij isht gjagjë të mathë, të dreruashëm, edhë për fukjit e kjielliës.

Por për dashurin t'ënde e parrëfieshme edhë pa matur, u bëre njeri si ne pa u prishuar dhe pa ndërruar e kleve bër krieprifti jinë e si Zoti i gjithësis neve na dërgove shërbesën shejte të ksaj flije e papërgjakëshme.

Se vetëm Ti, o i madh'in'Zot, Perëndia jinë, urdhuron te kjiellia e te dheu, Ti çë rri mbi një thron hjeruvimshmë, Ti i Zoti i Serafimvet, Rregji i Israelit, i vetëm shejt çë prëhe ndër Shejtrat.

Tij të truhem, i vetëmi i mirë e i but për të gjegjur: vërrej mua të mëkatruam e të paviefshim shërbëtuar t'ënt: pastrom shpirtin e zëmbren nga ndërgjegje e kekjë, e mua i veshur me dhuratën e priftëris më bën

të mir të rri, me fukjin e Shpirtit Shejt,  
përpara ksaj triesie shejte e të bënjë flijë  
kurmin t'ënt të dëlir e të shejt e gjiakun t'ënt  
të shtrejt.

Andai u të kjasem tue përujur kriet t'im e të  
parkales: mos prier fakjen t'ënde ngak u e  
mos më lësh mbë nj'anë, nga rrethi i bijvet  
t'atë.

Por bëj sa u i mëkatruam e i pavjefshim  
shërbëtuar jiti, të të fal Tij këtò Dhurata se  
Ti je Ai çë dhuron e çë dhurone, Ti je Ai çë  
pret dhurata e jipe dhuratë o Krisht Perëndia  
jinë e na japiëm lëvdi Tij bashkë me Atin  
tënt të pa zënë fill e me gjithë shejtin e të  
mirë e gjellëdhënës Shpirt t'ënt, nani e për  
gjithëmonë e për jetë te jetëvet. Amin.

**Prifti:** Na këtù Hjeruvimtë mistikjisht tue  
shfakjurith, edhe na Trinis shejte gjellësore  
trishejten kënkë tue kënduarith, po lëmë  
nani mbë njanë e gjellës çëdo kujdes:...

**Diak.:** ...sa të presiëm Rregjin e gjithësis, çë  
rrethuar vien pa parë tufa tufa Ëngjëjish:  
Alliluia. (Tri herë)

**Prifti:** Bekomëni, Vëllezëritë t'imë, e ndëjemëni mua  
të mëkatruam.

Ndjemë o Perëndi mua të mëkatruamë e  
kijmë lipisë.

Ngrëni duart tuaja mbi shërbiset të shejte e bekonit t'ën'Zonë.

**Diak.:** U kujtoft Perëndia i Madh'in'Zot për ne të gjithë te Rregjëria e' Tij përherë, nani e për gjithëmonë e për jetë të jetëvet.

**Pop.:** Amin...Sa të presiëm Rrgjin e gjithësis, që rrethuar vien pa parë tufa tufa Engjëjishë. Alliluia. (Tri herë)

**Diak.:** Për priftërinë t'ënde u kujtoftë Zoti Perëndi te Rregjëria e tij, gjithëmonë, nani e përherë e në jetët të jetëvet.

**Prifti:** Për dhiakërinë t'ënde u kujtoftë Zoti Perëndi te Rregjëria e tij, për gjithëmonë, nani e përherë e në jetët e jetëvet. Amin.

Bujari Josif Kurmin t'ënt të pangar e sdripi nga Krikjia e në pulhur të pastërë e pështolli e me aromë te një varr i ri me lip të mathë e vuri.

Atëherë kanë të të bien viçëra mbi Theroren t'ënde. ( Tri herë )

**Prifti:** Kujtò mua,o vëllà e shok te Mesha shejte.

**Diak.:** U kujtoftë Perëndia i Madh' in'Zot për Priftërin t'ënde te Rregjëria e'Tij.

Parkales për mua, vëllau jim.

**Prifti:** Shpirti Shejt ka të vinjë mbi tij e fukjia e të Lartit ka të t'pështuellënjë.

**Diak.:** Shpirti vetë ka të jet bashkë me ne gjithë ditë e gjellës t'ëne.

Kujtò mua, Zotëria jote.

**Prifti:** U kujtoftë Perëndia i Madh' in'Zot te Rregjëria e'Tij, për herë, nani e për gjithëmonë e për jetë të jetëvet.

**Diak.:** Amin. Le të mbarojëm parkalesin t'ënë t'in'Zoti.

Për të shtrejtatë dhurata këtù paravuna, parkalesiëm t'ën'Zonë.

Për këtë shpi shejte e për gjithë ata që këtu hijën me besë, me poni e me trembësi të Perëndis, parkalesiëm t'ën'Zonë.

Sa të na ruanjë nga çedò helmë, mbri, rrëzikje e mieri, parkalesiëm t'ën'Zonë.

**Prifti:** O i Madh'in 'Zot, Perëndia jinë, që na bëre e na prure te kjo gjellë, që na deftove dhromet e shëndetës, që na fale të sbluarit e misterëvet të kjielliës, Ti që na vure te kjo diakëri me fukjin e Shpirtit Shejtë të u dukëshit mirë sa na të jemi shërbëtorët e dhiatës t'ënde të re, mbarështuesë e të shejtravet misterë; pranò, paj të madhes lipisi s'ate, se na të kjasemi Therores t'ënde të

shejte e të bënemi të mirë të të faliëm këtë flijim të mendçëm e të papërgjakëshëmë për mëkatët t'ona e për të paditurat e popullit. Ti tue marrë me-hir mbi shejten Therore kjellishte për të mirën erë,neve na dhëfshe këthier Hirthin të perëndishën, të Shpirtit Shejtë. Shtie siun t'ënt mbi ne, o Perëndi,e vërrej këte latri jone e mirre me-hir si more dhuretiti e Abelit,flijët e Noeut,olokaustet e Abramit,shërbimet të shejtë e Moiseut e të Aaronit,flijët pakje të Samuelit. Si prite mirë këtë latri të vërtete nga Apostojitë shejtë,edhe prit mirë këto dhureti nga duart t'ona e neve të mëkatruamë,paj të butësis s'atë,o i Madh'in'Zot, na bër të mirë të priftërojëm të pakjërtuashëm te shejtia Therorëja jote,të gjejëm rrogën e kujdestarëvet të besmë e të urtë te dita e drerushme e shpërblimit t'ënt të drejtë.

**Diak.:** Ndi hna,shpëtona, kijna lipisi dhe ruana, o Perëndi, me hirin t'ënt.

Të na shkonjë gjithë dita e mbaruame më se më, e shejte, me pakjen, e pa mëkatë, lipëmia t'in'Zoti.

**Pop.:** Gjegjëna, o i Madh'in'Zot.

**Diak.:** Engjëllin e pakjes çë i besmë na kjellë te dhromi i drejt e çë ruan shpirtrat e kurmet t'anë, lipëmia t'in'Zoti.

Ndëjesën e falien e mëkatëvet e ftesavet t'ona lipëmia t'in'Zoti.

Të mirat e çëdo i duhet shpirtravet t'anë e

pakjen per jeten, lipëmia t'in'Zoti.

Kjëroin që na vietet të gjellës t'ëne të e  
sosiëm me pakje e me pendes, lipëmia  
t'in'Zoti.

Sa të sosuri e gjellës t'ënë të jet si të  
krështerë pa dhëmbie, pa të kjërtuam, në  
pakje e me mbrojtje të mirë përpara gjikjit të  
dreruashëm të Krishtit, lipmia t'in'Zoti.

Tue kujtuar Zonjën t'ënë Povirgjërë, Mëmën  
e Perëndis, Shën Mërin, gjithë shejte, të  
dëllirë, të bekuame dhe të lëvduame, bashkë  
me gjithë shejtrat, na e njeri me t'jetrin e  
gjithë gjellën t'ënë i truajëm Zotit Krisht  
Perëndi.

Pop.: Tij , o i Madh'in'Zot.

**Prifti:** Për lipisit e të vetmit ler t'it Biri, me të çilin je  
i bekuar bashkë' me të gjithë shejtin, të mirë  
e gjellëdhënës Shpirt t'ënt, nani e për  
gjithëmonë e për jetë të jetëvet.

Pop.: Amín.

**Prifti:** Pakje të gjithëve.

Pop.: Edhe shpirtit t'ënt.

**Diak.:** Të duhemi mirë njeri me t'jetrin sa njëi  
mendie të ligjërojëm.

**Pop.:** Atin', Birin e Shpirtin Shejt: Trinin me një të klënët e të pandarshme.

**Prifti:** Të dua mirë, o i Madh'in'Zot, fukjia jime; in'Zot kjëndresa jime, pështrimi jim e shëndeta jime.

**Diak.:** Diert! Diert! Me urtësi! Vumëji're!

**Pop.:** U kam besë te një Perëndi, At i gjithëmëndëm, që bëri kjiellin e dheun, e gjithë atò që duken e atò që ngë duken. Edhë te një Zot, Iisù Krishti, i Biri i Perëndis, I vetmiler, i çili leu nga Ati më para se gjithë jetët; Dritë nga Dritë, Perëndi i vërtet nga Perëndi i vërtet, i ler, jo i bër, gjithënjë i klënie më Atin, për anë të të çilit gjithëkjishë u bënë. I çili për ne njerëzë e për shpëtimin t'ënë u sdrip nga kjiellia e mori kurm paj të Shpirtit Shejt e të Virgjërës Mëri e u bë njeri. Kle vunë n' krikjë për ne nën Ponts Pilatit, duroi e kle varrëzuar; e u ngjall në të tretën ditë si thonë të Shkrumet; e u ngjip te kjiellia e rri te ana e drej të Atit. E ka të vinjë pameta me lëvdì të bënë ligjë mbi të gjallit e mbi të vdekurit, Rregjëria e Tij ngë ka për të sosur. E te Shpirti Shejt, Zot e gje llëdhënës, që buron nga Ati, e ë përmisur e lëvduar bashkë me Atin e me Birin; e që foli për anë të Profetravet. Te Klisha, një, shejte, katolike e apostolike. U rrëfienjë një pagëzim për ndëjesën e mëkatëvet. Pres ngjallien e të vdekurvet, e Gjellën e jetës së jardhëshme. Amin.



- Diak.:** Le të rrim mirë! Rrim me trëmbësi! Vumëji're të faliëm shejten Dhuratë në pakje.
- Pop.:** Lipisi, pakje, flijë lëvdimi!
- Prifti:** Hiri i t'in'Zoti Iisu Krishti, e Dashuria e Perëndis At, e të Marrit piesë te Shpirti Shejt, kloft me ju të gjithë.
- Pop.:** Edhe me shpirtin t'ënt.
- Prifti:** Ngrëjëm në të lartit zëmbërat t'ona.
- Pop.:** I kemi tek in'Zot.
- Prifti:** Haristisiëm t'ën'Zonë.
- Pop.:** Mirë isht e drejt t'i përmisemi Atit, Birit e Shpirtit Shejt: Trinis me një të klënët e të pandarshme.
- Prifti:** O i Madh'in' Zot çë je të klënit, Zot e Perëndi At i gjithëmëndëm e i proskjinisur, mirë ishtë e drejtë e i duhëshëm Madhëris e lëvdis s'ate se na të t' bekojen, të t' këndojëm, të t' imnojëm, të t' përmisemi, të t' haristisiëm e të të lëvdijëm Tij çë je verteta i vetëmi Perëndi e të t' faliëm me zëmbërë e grijturë tue dhëmbur e me shpirt ujtësije këtë latri t'ënë të mendçëme. Pse Ti na fale të njohurit e vërteties t'ënde. E kush ishtë i mirë të rrëfienjë pushtetiet t'ote? Kush të bënë të ndihen gjithë lëvdit t'ote o të ligjëronjë në çëdo kjëro famasmët t'ote? O i Zoti i

i gjithësis, Zoti i kjielliës e i dheut, e çëdo kriesë e dukurë dhe e padukurë, Ti çë ujur mbi thron lëvdije vërren humbiet, i pa-zënëfill, i paparshëm i pandëlguashëm, i pashkruashëm, i pandërruashëm, Ati i Zotit t'ënë Iisu Krishtit, i Madhi Perëndi e Shpëtuesi i shpresës t'ënë çë isht fitira e mirësis s'ate, sidçili krejt i njëshëm me shembëren e 'Tij; çë dëftove në Vetë fitirën e Atit, fialë e gjiallë, Perëndi i vërtetë, Dieja më para se jetët, gjella, shëjtërimi, fukjia, drita e vërtetë, nga i çili u dëftua Shpirti i Shejtë, Shpirti i Vërteties dhurata e përbirëmarries, pengu i trazhgimit të ardhëshëm, fillimi i jetëvet të mira, fukjia gjellëbërëse, kroi i shejtërimit, nga i çili tue marrë fukji çëdo kriesë e mendëçëme e shpirtullore t'përmisetë Tij, fal lvdërimin të përjetshëm se të gjithë janë shërbëtorë t'atë.

Se Tij këndojën Engjëjit, Arkëngjëit, Thronet, Zotërit, Parësit, Pushtetet, Fukkjit e Serafimtë me shumë sira, e Tij të rrin perpara e rreth, Hjeruvimtë me gjashtë fletë çënjeri, e me di pështrojën fakjen e me di këmbët e me t'jera di fluturojën tue thënë njeri jetrit me thirma të papara lavdërimë të pashuara (me zërë) e

Kënkën<sup>q</sup> mundësis tue kënduar, tue luritur, thërritur e tue thënë:

Pop.: I Shejt, I Shejt, I Shejt: Zoti Savaoth. Kjielli e dheu janë plotë me lëvdin t'ënde. Osannà te

më i larti Kjiell. I bekuar ai që vien në embër  
të t 'in' Zoti. Osanna te m'i larti kjiell.

**Prifti:** Me këtë fukji të lume, o i Madh' in 'Zot,  
njeridashës, edhe na të mëkatruamë thërresiëm e  
thomi: Ti je i shejt me të vërtetë e gjithë i shejtë e  
s'mëndë të matet madhëria e shejtëris s'ate; i shejtë te  
gjithë veprat t'ote, pse në drejtësi e gjikim Ti të gjitha i  
ke bër për ne. Se kur gjeshe njeriun tue marrë botën  
nga dheu e e nderove tue i dhënë fitirën t'ënde, e vure  
te Parraisi i dëfrimit tue i taksur atij pavdekjien e  
trazhgimin e të miravet të pasosme në ai ruaj  
urdhurimet t'atë. Po si ai ngë të mori veshë Tij,  
Perëndi i vërtet, që e bëre e u la t'e gënjej gjalpëri e të  
vdisëj te mëkatët e tij, e përzure me gjikim të vërtetë, o  
Perëndi, nga Parraisi te kjo jetë e prore te dheu nga i  
çili kishë klëne marrë tue i përgatitur a tij shpëtim nga  
rilindia te Krishti i jit. Ngë e rreshte për jetë kriesën  
t'ënde që Ti kishe bër, përse Ti je i mirë; as harrove të  
bëmën e duarvet t'ote, po shumë herë erdhe e pe me  
shumë viershe paj të dashamirësis e lipisis s'ate.

Dërgove Profetrat, bëre famasmë me shejtrat t'atë, të  
çilët nga jini të kanë pëlqier; na fole me gojën e  
Profetravet shërbëtorë t'atë tue na paralajmëruar  
shëndetën të ardhëshëme e na dhe një ligjë për  
ndihëmë e na vëre ëngjëj të na ruajën. Kur pra u  
mbaruan kjërorjet na fole me Birin t'ënt për anë të  
çilit kishe bër jetët; i çili tue klënë përthimi i lëvdis e  
mresa e të klënit t'ënt, që gjithëkjishë me fukjin e  
fialës s'tij ngë ndiejti si një të rrëmbier këta të  
klënë të njëjtë me Perëndin e At, po tue klënë Perëndi  
më para se jetët, u dëftua mbi dhet e rroi në mes  
njerëzëvet, mori mishë nga shejta Virgjërë e u bë

mosgjë tue marrë fitirën e shërbëtorit e u duk e u bë shok jini me kurmin e ujitësis t'ënë sa të na bëj shokë të Tij në fitirë të lëvdis s' Tij. Porsanith për njeriun mëkata hiri te jeta e për mekatën mortia, i pëlkjieu Birit t'ënt të vetëmit ler çë ë në gji t'ënt Perëndi e At të lehej nga gruaja, nga Povirgjëra e Shën Mëri, Mëma e t'in'Zoti e u vu përposhe ligjës sa të mundëj mëkatën te mishtë e Tij sa gjithë atà çë kanë vdekur në Adham të ngjallen tek Ai, te Krishti jit e tue rruar te kjò jetë na dha urdhurime shëndetie e na liroi nga gënjeshtra e idhujëvet e na kjelli te të njohurit Tij, Perëndi e At i vërtet, tue stisur për 'të një popull i 'Tiji, një priftëri mbretërore, një komb i shejt, e tue pastruar me ujë, të shejtëruamë me Shpirt të Shejt u dha si shpërblim t'ënë vdekjies, nga e çila ishëm mbajtur të çilës na kishëm klënë shiturë për mëkatën.

Tue u sdripur pranë të Krikjes në Adhë, sa të mbushëj me pranin e' Tij gjithëkjishë, sglidhi dëmbiet e vdekjies tue u ngjallur të tretën ditë e i sbilli dhromin e ngjallies së vdekurish gjithë njerëzëvet, se ngë ishë e mundur se krietari i gjelles ki t'ishë mbajtur nga prishëria, e Ai u bë i Pari i atireve çë u kishën kjëllua, i Pari-ler nga të vdekurit sa mbë gjithëkjishë t'ishë i pari, e i ngjipur në kjiell u uj tek e drejta e madhëris s'ate te më të lartit kjiej. Ai ka t'vinje pameta sa t'i japënjë nga njeriu pas veprat e tij. Po neve na la këta kujtime të pesimevet shpëtimtare Tij e Meshën cë jam'e thomi si duan urdhurimet e ' Tij. Si ai, vetëm e vetëm, ishe e nisej për vdekjien e Tij e lëvduashme e gjellëbërëse e gjithemonë për të kujtuar, te nata kur u dha për gjellën e jetës, tue marrë bukën te duart e tija të shejta, të dëlira, e tue e falur Tij At e Perëndi e tue falndruar, bekuar,

shejtërua e çar, (me zërë) ja dha dsënsëvet e Apostojvet e'tij të shejt tue thënë:

+ Mirrni, hani: ki isht Kurmi jim, që çahet për ju për ndëjes të mëkatëvet.

Pop.: Amín.

**Prifti:** Ashtù edhe tue marrë Kjelkjin me pemën e vreshtës e përziejti me ujë, u fal nderies, e bekoji edhe e shejtëroi, (me zërë) e ja dha zënësëvet e Apostojvet e'tij të shejtë tue thënë:

+ Pini nga ki të gjithë: ki isht Gjaku jim, të Dhiatës së re, që derdhet për ju e për shumë për ndëjes të mëkatëvet.

Pop.: Amín.

**Prifti:** Bëni këtë sa të më kujtoni.

Sa herë me të vërtetë do të hani këtë Bukë e të pini këtë Kjelkjë, do të lajmeroni vdekjien t'ime e t'ligjëroni të ngjallurit t'imë. Prandai o i madh'in'Zot tue kujtuar edhe na pesimet shpëtimtarë të Tij, Krikjen gjellëdhënëse, Varrin triditëshëm e të Ngjallurit së vdekurish e të ngjipurit në kjiell e Thronin tek e drejta jote, At Perëndi, e të levduashmit e të dreruashmit të jardhurit t'Tij.

(me zërë) Na Tij të faliëm t'otet nga t'otet ndër të gjitha e për të gjitha.

Pop.: Të lëvdojëm,të bekojëm,të haristisiëm, o i Madh,in,Zot, e të parkalesiëm, o Perëndia jinë.

**Prifti:** Prandai, O Zot gjith'i shejt,edhe na të mëkatruamë e të pavëjefshimë shërbëtorë t'atë, çë kemi klëne bër të mire të shërbejëm Theroren d'ënde të shejte, jō për të drejttat t'ona se mosgjë të mirë kemi bër na mbë jetë pō paj të lipisivet e përdjesavet t'ote çë ke derdhur me buri mbi ne, marriëm zëmbërë e kja semi Therores s'ate e shejte e tue falur fitirat e kurmit t'shejt e të gjakut t'Krishtit t'ënt, të lutemi, të parkalesiëm, o i Shejt i Shejtravet, me pëlqjimin e mirësis s'ate të vinjë Shpirti i jit i Shejt mbi ne e mbi këto dhuretë çë kemi përpara e t'i bekonjë e t'i shejtëronjë e t'i dëftonjë:

Këtë Bukë të vetë e të çëmuamin Kurm të t'in'Zoti e Perëndi e Shpëtuasi jinë Iisu Krishti.

E këtë Kjelkjë të vetë të çëmuamin Gjak të t'in'Zoti e Perëndi e Shpëtuesi jinë Iisu Krishti,çë kle derdhur për gjellën e jetës.

Edhe neve të gjithë çë marriëm piesë te një Bukë e te një Kjelkjë bashkona njerin me t'jetrin te bashkimi i Shpirtit Shejtë e mosnjerin ngak na të lësh të kungonet me Shejtin Kurm e Gjak të Krishtit t'ënt për gjikim o për dënim: sa na të gjejëm lipisì e hir bashkë me gjithë shejtrat çë moti Tij pëlqjeshmë Gjishëra, Atëra, Patriarkra, Profetra, Apostoj, Ligjëronjësë, Vangjeitarë, Deshmorë, Rrëfenjësë, Mësuesë e nga shpirt të të drejtëvet të pësosur nga besa.

(me zerë) E vetsh për Mëmën e t'in'Zoti Perëndi, gjithëshejte, të dëlirshme, të bekuame edhe të lëvduashme, Zonjën t'ënë Povirgjërë Shën Mëri.

Pop.: I mathë isht embri i Trinis Shejte.

Mbi Tij gëzonet, o e Hir-plota, jeta e tërë!  
Mbledhia e Engjëjëvet, e jinia e njerëzëvet, o  
faltore e shejtëruame, e Parrais i  
mendëshëm, i virgjëreshavet lëvdim, nga e  
çila in' Zot mori kurm e u bë Dialë, Ai çë  
isht i paramotëshmi Perëndia jinë. Se  
brënda Teje vuri thronin e Tij e gjirin t'ënt  
e bëri më të gjerë se kjielliat : mbi Tij  
gëzonet, o e Hir-plota, jeta e tërë: lëvdi Tij.

**Prifti:** Për Shën Janin Pagëzor Profet e Paradrom,  
për të lëvduashmitë Shejtra Apostoj, për Shejtrat çë  
sot përmendiëm e për gjithë Shejtrat t'atë paj të  
çilëvet, Ti, o Perëndi, i Madh' in ' Zot, kijëna siun.

E kujto gjithë ata çë u kjëlluan gjiumi me shpresën e  
të ngjallurit te gjella e pasosme.(...) Le të prëhen atie  
ku i ruan drita e Fakjes s'ate. Edhe të parkalesiëm:  
kujto, o i Madhi in'Zot, Klishën shejte t'ënde katholike  
e apostolike, e shprishme te gjithë anët e Botës e jipi  
pakjien se Ti e stise me Gjakun t'ënt të shejt. Jipi  
kjëndresën kësaj shpije shejte njera çë sos jeta. Kujtou  
për atà çë të falën këto dhuretì e për kë atà t'i prun.

Kujtou për ata çë bien klishëvet t'ote të shejte pemët  
e'tire e ndihëjën e sbukurojën klishët t'ote e për gjithë  
atà çë kanë kujdes për të vapkjitë;priri atireve kjosmët  
e hirevet t'atë kjellishte;në vend të të miravet e dheut

jipi të mirat kjellore; në vend të të përkohëshëmëvet të pasosmet; në vend të të prishmëvet të paprishimët. Kujtou, o i Madh'in'Zot, për ata që rrojën ndë shkretirat, te malet, te shpellat, te vërat e dheut. Kujtou për ata që rrojën në Virgjëri, në lutësi, në përkorie, në gjiellë të pastrë. Kujtou për Kjiverritarët t'anë, kuj i dhe të kjivarrisiën punat e dheut; kurorëzoi me të vërtetën e me dashamirësi; pështroi kriet e'tire në ditë luftie, fortësoi krahun, ngrei të drejtën, jipi pushtet kjivarris s'tire; falii atireve një pakjie e kthellë e e paprerë, fali të mira te zëmbrat e tire për klishën t' ende e gjithë popullin t'ënt, sa edhe na ndë të pakjien e tire të shkojëm gjellën të kjetëme e të prërët gjithë ndë lutësi e me nder. Kujtou për gjithë krerat e udhëhekjësitë e për vëllezërit t'anë që rrojën te shpit e'tire e për ushtrin. Të mirët te mirësia jote ruaji; të likjët bëji të mirë me lipisin t'ënde. Kujtou, o i Madh'in'Zot, për popullin që ke këtu përpara e për ata që lipsen për shkakë të arsyeshmë e kij lipisi për këta e për ata përta e madhe isht lipisia jote; arkat e'tire mbloji me gjithë të mirat; ruaji martesat e tire me pakjie e njëmendie; rrit fëmijën, mësò të rit, jip fukji plekjëvet; jip zëmbërë trëmbërsiravet; mbëjith të shprishmitë, prit të larguarit e bashkoi te klisha shejte katolike e Apostolike. Lirò ata që janë ngar nga shpirtra të fëllikjurë; lundrò bashkë me ata që lundrojën; udhëtò bashkë me udhëtarët; kujdesou për të vejat; mbroj të varfëritë; lirò të burgosurit; bëj mirë të sëmuritë.

Kujtou për gjithë ata që ndodhen nën gjikim, që shërbejën te minët, në mergim, te skërbëtirë të rënda, që ndodhen në helm e në nbëhi. Kujtou, o i Madh'In'Zot, për gjithë ata që lipiën lipisin t' ende të



madhe. Kujtoui për atà që na duan mirë e për ata që na mbajën mbri, për ata që na truhen te parkalesia neve të pavëjefshimë sa të lutemi për ata. Për gjithë popullin t'ënt kujtoui, o i Madh'in'Zot, Perëndia jinë, e mbi gjithë derth lipisit t'ote të shuma tue falur gjithëve atë që të lipiën sa të shpëtonen. Kujtoui edhe për ata që ngë kujtuam na, o përçë ngë i njohiëm, o i harruam, o përçë embret janë të shumë. Kujtoi Ti, o i Madh'in'Zot, se Ti të çënjerit i njeh e vietçët e embrin, Ti që na njeh të gjithë që nga gjiri i mëmës. Se Ti, o i Madh'in'Zot, je ndihëma e atireve që ngë kan ndihmë, shpresa e atirevet që ngë kanë shpresë, shpëtimi i atireve që janë trazuarë nga furturët e dimbrit, limani i lundronjësëvet, jatroi i të sëmurëvet. Klofshe Ti gjithëkjish, për gjithënjeri, Ti që na njeh një për një e vëzonjët e lipiet t'ona. Shpëtò, o i Madh'in'Zot, këtë kjetetë e nga kjetetë e horë nga sumunda, nga uria, nga të tundurit e dheut, nga përbitie, ziarre, luftë, sulme të huaj e luftë ndër nesh.

**(me zërë)** Kdër të parët kujtoui, o i Madh' in' Zot, për Episkopin t'ënë (..) kuj Ti jipi të jet për kllshtë t'ote shejte, i ruatur, i ndermë, me pakjie, me shëndetë, me ditë të glata, sa të ligjëronjë dërejti Fialën e Vërteties s'ate.

**Diak.:** Edhe kujtoui për gjithë ata që nga njeri nesh ka në mendie.

**Pop.:** Për të gjithë e për të gjitha.

Kjiell folësin è Krishtit, dsënësin e Zotit, illin e ndritshëm, nga Kjesaria e Kapadhòkëvet

hora, Vasijin e Mathë të gjithë nderojëm na.

**Prifti:**

Kujtou, o i Madh'in 'Zot, për gjithë Epeshkëpërat e ortodoxësevet, që shpaliën drekjë fialen e verteties s'ate. Kujtou edhe përsa të mëdha janë përdëjasat t'ote, për pavlerësin t'ime. Ndëjemë çëdo faj të bëm tue dashur e pa dashur e mos mbaj dhuratën e Shpirtit Shejt nga këto dhureti të paravume për mëkatët t'ime. Kujtou për priftërin, për diakërin te Krishti e për gjithë urdhurin priftërisht e mosnjerin turpërò ngak na që rrethojëm theroren t'ende të shejte. Shtiè një sy mbi ne te mirësia jote. Deftou me të kjosmet përdejesa t'ote, o i Madh'in'Zot. Falna erë të buta e të dobishme; dhurò shira te pakjëmë dheut sa të bienjë shumë pemë, beko kurorën e vitit me të mirat t'ote. Pushò ndariet e klishëvet ,shuaj tërbimet e kombëvet, shpejt shtip me fukjin e Shpirtit Shejt kriepriet e erësivet. Gjithë ne përitëna mirë te rregjERIA jote tue na bër neve bij të dritës, bij të ditës. Falna pakjien e dashurin t'ënde, o Zoti Perëndia jinë, se gjithëkjishë Ti na ke dhënë.

**Me zërë të lartë:** E jipëna sa me një gojë e me një zëmbërë të lëvdojëm e të këndojuëm të gjithëndershmin e të madhëruashmin embër t'ënt: të Àtit, të Birit, e të Shpirtit Shejt, nani e për gjithëmonë e për jetë të jetëvet.

Pop.: Amín.

**Prifti:** E lipisitë e të Madhit Perëndi e Shpëtuesi  
jinë Iësu Krishti, klofshin me ju të gjithë.

**Pop.:** Edhe me shpirtin t'ënt.

**Diak.:** Posa kemi kujtuar gjithë shejtrat, pameta në  
pakje, parkalesiëm t'ën' Zonë.

**Pop.:** Lipisì, o i Madh'in'Zot.

**Diak.:** Për të shtrejtat Dhurata paravuna e të  
shejtëruame, parkalesiëm t'ën' Zonë.

Sa Perëndia jinë, që njeriun do mirë, e ç'i  
mori me hirë mbi shejten Therorë t 'Tij të  
kjiellëshëm e të mendçëme si bukurë erë  
shpirtullore, nani na dhëfshit Hirin të  
perëndishë e dhuratën e Shpirtit shejt,  
parkalesiëm t'ën'Zonë.

Sa të na ruanjë nga çëdò helme, mbri,  
rrëzikje e mieri, parkalesiëm t'ën'Zonë.

Ndihna, shpëtona, kijna lipisi dhe ruana, o  
Perëndi, me hirin t'ënt.

Posa lipëm njënin e besës e të marrit pies te  
Shpirti Shejt, na njeri me t'jetrin e gjithë  
gjellën t'ënë i truajëm Zotit Krisht Perëndi.

**Pop.:** Tij, o i Madh'in'Zot.

**Prifti:** Perëndia jinë, Perëndi shpëtimi, Ti neve na  
mësove si të vëjefshim, të t'faliëm nderies,

s'ate, për të mirat që na ke bër e që po na bën. Ti, Perëndia jinë, që prite mirë këto dhuretë, pastrona nga qëdo ngjolle mishi e Shpirti; mësona të mbarojmë të shejtëruamit t'anë te trëmbërsira jote, sa në deshmi të dëlirë të vetëdijes s'anë të marriëm pjesë te shejtërimet t'atë e të bashkonemi shejtit Kurm e Gjak të Krishtit t'ënt e tue i marrë të vëjefshim, të kemi Krishtin që nden te zëmbrat t'ona e të bënemi na faltore të Shpirtit Shejt. Ëj, o Perëndia jine, e mosnjerin ngak na që u kungua me misteret kjielli i sëmur në kurm e në shpirt të dënosh se u kungua i pavëjefshëm. Po ëna neve njer tek e sprasmia frimë të marriëm pjesë te shejtërimet t'atë si udhëhekjësë të jetës s'pasosme, mbronjese e madhe përpara të dreruashme gjikatore të Krishtit t'ënt, sa edhe na me gjithë shejtrat t'atë, që moti Tij të pëlkjieshëmë, të bënemi piestarë të të miravet t'ote të pasosme që Ti përgatite atireve që të duan mirë, o i Madh'in'Zot.

(me zerë) E bëna të mirë, o i Madh'in'Zot, sa me besë e pa ftesë të kudsojmë të të thërresiëm Tij TATE, Perëndi i kjiellëshëm e të të Thomi:

## ATI JINË

Pop.: ATI jinë që je në kjiell, shejtëruar kloft embri jit, arthët rregjëria jote, u bëftë vullimi jit, si në kjiell ashtu në dhe. Bukën t'ënë të përditëshme ëna neve sot, ndëjena dëtirët t'ona ashtu

si na ja ndëjejëm të dëtëruamëvet t'anë e mos na le të biem ndë ngarie, po lirona nga i ligu.

**Prifti:** Se jotia isht Rregjëria, fukjia e lëvdia: e Atit, e Birit edhe e Shpirtit Shejt, nani e për gjithëmonë e për jetë të jetëvet.

**Pop.:** Amín.

**Prifti:** Pakje të gjithëve.

**Pop.:** Edhe shpirtit t'ënt.

**Diak.:** Ujëni kriet t'ajë t'in'Zoti.

**Pop.:** Tij, o i Madh'in'Zot.

**Prifti:** O i Madh'in'Zot, Ati i lipisivet, e Përendi i gjithë ngushullimëvet, bekò këta, që të kanë ujur kriet e tire; shejtëroji, ruaji, fortësoji, jipi fukji, mbaji llargu nga çëdo veprë e ligë, bashkoji me çëdo veprë e mirë, e bëji të mirë të marrëjën pjesë pa dënimë tek ta Mistere t' atë të pastërë e gjellëdhënës, për ndëjes të mëkatevet e për bashkim të Shpirtit Shejtë.

**(me zërë)** Me Dhuratën, me lipisitë e me mirësin që ka me ne jit Bir i vetëmi ler, me kë Ti je i bekuam bashkë me Shpirtin gjithë shejtë të mire e gjellëdhënës, nani e për gjithëmonë mbi jetë të jetëvet.

**Pop.:** Amín

**Prifti:** Gjegjëna, o i Madh'in Zot, Iisu Krisht  
Perëndia jinë, nga ndenja jote e shejte e nga  
throni i lëvdis së Rregjëris s'ate, edhe eja të  
nà shejtëroshë, Ti çë rri së larti ujur me Atin  
e çë këtu paparë me ne ndodhe: e të na bësh  
të mirë me dorën t'ënde të fukjishme të na  
japëshë neve Kurmin t'ënt të dëlirë e Gjakun  
t'ënt të shtrejtë, e me duartë t'ona gjithë  
popullit.

Ndëjemë, o Perëndi, mua të mëkatruam e  
kijëm lipisi.

**Diak.:** Vumëji're!

**Pop.:** Për ndihmë të gjithë të besmëvët të krështerë  
të vërtetë.

**Prifti:** Të Shejtët Shejtravet.

**Pop.:** Një i Shejti, një i Zoti, Isu'Krishti, në lëvdi të  
Atit Perëndi. Amin.

**Diak.:** Çajë, o Zot, Bukën Shejte.

**Prifti:** Çahet e bënet piesë piesë Kjenkji i Perëndis, i  
çili çahet e ngë ndahet e gjithë herët hahet  
po ngë sosit, e shejtëron kushë i merrë  
piesë.

**Diak.:** Plotësò, o Zot, Kjelkijn Shejt.

**Prifti:** Plotësia e Besës të Shpirtit Shejt. Amin.

**Diak.:** Bekò, o Zot, Ujët e ngrohtë.

**Prifti:** Bekuar kloft ngrohtësia e besës së Shejtravet t'ate, gjithëmonë, nani e përherë e në jetë të jetëvet. Amín.

**Diak.:** Ngrohtësia e besës, plotë me Shpirt Shejt.

## KINONIKON

**Tek e Diella:** Lëvdoni t'ën'Zonë ju nga kjiellia; lëvdonie Atë te m'i larti kiell. Alliluaia.

**Tek e Intia e Madhe:** Të darkës t'ënde mistike, o i Biri I Perëndis, vur sot në pies edhe mua; se u armikjëvet t'atë misterin t'ënt u ngë i thomë, e ngë të puth si të puthi Judha, po si Kusari i mirë u të thomë: për mua kujtou, o Zot, o Krisht, o i Shejt te Rregjëria jote.

**Tek e Shtunia e Madhe:** U ngre skur u zgjua nga gjumi in'Zot,e u ngjall tue shpëtuar neve.Alliluaia (3 herë)

**Prifti lutet tue thënë:**

U kam besë, o i Madh'in'Zot, se Ti je vërteta Krishti i Biri i Perëndis të gjallë, çë jerdhe te jeta të shpëtoje të mëkatruamit, ndër të çilët i pari jam u.

U kam besë edhe se ki isht pë' ftetë Kurmi jit i dëlirë e ki isht Gjaku jit i shtrejt. Andai Të parkales: kij lipisi per mua e ndëjem gjithë mëkatë t'ime,bërë tue dashur e padashur, me fialë,me të bëma, tue dijtur e pa dijtur. E bëjem i mirë të marrë pies, pa dënim, te Misteret t'atë të pasosmë, për ndëjesë të mëkatëvet e

për gjellë të pasosme. Amin.

Të darkës t'ënde mistike, o i Biri i Perëndis, vur sot në pies edhe mua; se u armikjëvet t'atë misterin t'ënt u ngë i thomë, e ngë të puth si të puthi Judha, po si Kusari i mirë u të thomë: për mua kujtjou, o Zot, o Krisht, o i Shejt te Rregjëria jote.

Mos më kloft për gjikim o për dënim këta të marrë pies te misteret t'atë shejt, po kloft për shëndetë të shpirtit e të kurmit.

**Prifti kungonet tue thënë:**

Prifti shërbëtori jiti (•) kungonet me Kurmin e Gjakun shejt të t'in'Zoti, shëndeta jone, për ndëjesë të mëkatëvet e për gjellë të pasosme.

**Prifti:** Diakanë, kjasu!

**Diak.:** E ëmë, o Zot, të shtrejtin e të gjithëshejtin Kurm të t'in'Zoti, Perëndia e Shpëtuesi jinë lisu 'Krishti, për ndëjesën e mëkatëvet t'ime e për gjellën e pasosme.

**Prifti:** Tij...diakanë, isht dhënë i shtrejti, i gjithëshejti e i dëliri Kurm të t'in'Zoti, Perëndia e Shpëtuesi jinë lis'Krishti, për ndëjesën e mëkatëvet t'ote e për gjellën e pasosme. Amin.

Diakanë, pameta kjasu!

**Diak.:** Pameta kjasemë Rregjit i pavdekëshëm.



Ëmë, o Zot, edhë të shtrejtin e të gjithëshejtin Gjak të t'in 'Zoti, Perëndia e Shpëtuesi jinë Iisu 'Krishti, për ndëjesën e mëkatëvet e për gjellën e pasosme.

**Prifti:** Tij...diakanë, isht dhënë edhë i shtrejt i gjithë i shejti Gjak të t'in 'Zoti, Perëndia e Shpëtuesi jinë Iisu'Krishti, për ndëjesën e mëkatëvet t'ote e për gjellën e pasosme. Amin.

Këta ngau buzët t'ime e do të ndsiernjë ftesat t'ime e ka të kjëronjë mëkatët t'ime.

**Diakani me zërë të lartë thot:**

Me trëmbësi të Perëndis, me besë e dashuri: kjasij.

**Pop.:** Amin. Amin. I bekuar ai çë vien në ëmbër të t'in'Zoti: Perëndia Zot edhe na u dëftua neve.

## KUNGIMI

**Prifti kungon tue thënë:**

Kungonet shërbëtori i Perëndis (...) me Kurmin i shtrejt e me Gjakun gjithë i shejt të Zotit dhe Perëndis dhe Shpëtimtarit t'ënë Jisu Krisht për ndëjesë të mëkatëvet të tija dhe për gjellë të pasosme.

Si sosë të dhënit kungimin bekon popullin tue thënë:

Shpëtò, o Perëndi, popullin t'ënt e bekò  
Trazhgimin t'ënt.

Pop.: Për shumë vietë, o Zot.

Pamë dritën e vërtetë...

**Tek e Shtunia e Madhe:** Kujtoui për ne, o i Lipisiar, si u  
kujtove për kusarin, te Rregjëria e kjielliavet.

**Prifti:** Ngreu lart, o Perëndi, mbi kjielliat e lëvdia  
jote shkëlqjeft mbi gjithë dheun. (Tri herë)

Bekuar kloft Perëndia jinë, (me zërë) përëherë  
nani e për gjithëmonë e për jetë të jetëvet.

Pop.: Amin. Për ndëjesë të mëkatëvet e për gjellë të  
pasosme. Alliluia. (Tri herë)

**Diak.:** (Shtuara) Na çë u kemi kunguar me Misteret  
të Krishtit, të perëndishëm, të shejtë, të  
dëlrirë, të pavdekshëm, të kjiellëshëm,  
gjellëdhënës, të dreruashëm, si nget  
haristisiëm t'ën' Zonë.

Ndihna, shpëtona, kijna lipisi dhe ruana, o  
Perëndi, me hirin t'ënt.

Posa lipëm të na shkonjë gjithë dita e  
mbaruame më se më, e shejte, me pakjen e  
pamëkatë, na e njeri me t'jetrin e gjithë gjellë  
t'ënë i truajëm Zotit Krisht Perëndi.

Pop.: Tij, o i Madh'in'Zot.

**Prifti:** Të haristisiëm, o i Madh'in'Zot, mirëbëresi i shpitravet t'anë, pse edhe te kjò ditë na bëre të mirë të kjishëm pies te Misteret t'atë të pasosmë. Ndrekjë dhromin t'ënë, mbajna gjithve fortë te trëmbësira jote, ruajna gjellën t'ënë Fortësò mendimet paj të parkalesivet e të lutievet e Povirgjërës Shën Mëri, të lëvduashmes Mëmë të Perëndis e paj të gjithë Shejtravet t'atë.

(Me zërë) Se Ti je të shejtëruamit t'anë e na të japiëm lëvdi Tij: Atit, Birit e Shpirtit Shejt, nani e për gjithëmonë e për jetë të jetëvet.

Pop.: Amin.

**Diak.:** Le të vemi në pakje.

Pop.: Në embër të t'in 'Zoti!

**Diak.:** Parkalesiëm T'ën'Zonë.

Pop.: Lipisi, lipisi, lipisi, o i Madh'in'Zot.  
Bekona, o Zot.

**Prifti:** O I MADH'IN'ZOT, që bekon ata që të bekojnë e shejtëron ata që tek Ti kanë besë: Shpëtò popullin t'ënt e bekò Trazhgimin t'ënt.

Pop.: Për shumë viet, o Zot.

**Prifti:** Ruaj në pakje plotësin e Klishës s'ate,

shejtërò ata që duan hjen e shpis s'ate.  
Amín.

Ti lëvdoi me fukjin t'ënde të perëndishme, e  
mos na le neve që kemi shpresën tek Ti.  
Amín.

Ti dhuroi pakjen jetës s'ate, Klishëvet t'ote,  
Priftëris, të Perëvet t'anë, Ushtris e gjithë  
popullit t'ënt. Amín.

Se çëdo të dhënë të mirë e çëdo dhuratë e  
përsosurë vien s'larti, sdripet ngak Ti, Ati i  
dritëvet, e na të Japiëm lëvdin, të  
haristisurit, e të përmisurit Tij: Atit, Birit e  
Shpirtit Shejt, nani e për gjithëmonë e për  
jetë të jetëvet.

**Pop.:** Amín. Embri i tin'Zoti klofët i bekuar nani e  
për gjithëmonë. (Tri herë)

**Prifti:** Sosi e u mbarua.për sa mëndë na, misteri i  
Ikonomis s'ate, o Krisht Perëndia jinë.  
Kujtuam vdekjien t'ende;pam Fitirën e  
Ngjallies s'ate; u mbëluam me gjellën t'ënde  
të patësosurë, gëzuam lumërin të  
pashuashme t'ënde, të të Çilës bëнна të  
mirë, neve të gjithë, te jeta e ardhëshme paj  
të Dhuratës e të pazënit At t' ënt e të Shpirtit  
t'ënt i mirë e gjellëdhënës, nani e për  
gjithëmonë e për jetë të jetëvet. Amin!

**Diak.:** Parkalesiëm t'ën'Zonë.

Pop.: Lipisi, o i Madh'in'Zot.

Prifti: Bekimi i t'in'Zoti e lipisia e'Tij arth mbi ju me Hirin e'Tij e me mirësin, përëherë, nani e për gjithëmonë e për jetë të jetëvet.

Pop.: Amin.

Prifti: Lëvdi Tij, o Perëndia jine, shpresa jonë, lëvdi Tij.

Pop.: Lëvdi past Ati,Biri, e Shpirti Shejt, nani e për gjithëmonë e per jetë të jetëvet. Amin.  
Lipisi,lipisi,lipisi,o i Madh'in' Zot. Bekona, o Zot.

### MBARIMI

Prifti: KRISHTI, Perëndia jinë i vërtetë, i ngjalluri së vdekurish, (i famasëshëm ndër shejtrat) për parkalesitë të Mëmës s'Tij, e dëlirë e pa mëkatë, me fukjin e KRIKJES Shejte e Gjellëdhënëse, për mbrojtiet të të ndershmevet pushtetie të poshpirtëshme të kjielliës, për lutiet e të ndershmit e të lëvduashmit Profet e Paradhromë Shën Jani Pagëzor, paj të lëvduashmëvet Shejtra Apostoj të përmendëshim e të Shejtrat deshmore mundësorë,paj të Shejtravat Atëra t'anë e të Atit t'ënë ndër Shejtrat Shën Vasji i Mathë e të Shejtëravet gjishëtra të t'in'Zoti Shën Jakini e Shejtia Anë, të Shejtit (...) që sot kujtojmë edhe të gjithë shejtrat, na paçit lipisi e na shpëtoft si i mirë e që njeriun do mirë. Amin.

## DËFTONJËSI

- |     |                                  |        |
|-----|----------------------------------|--------|
| 1)  | PARAVUMIA                        | f. 8   |
| 2)  | DOXOLOJA                         | f. 20  |
| 3)  | MESHA E SHËN JAN GOJARTIT        | f. 24  |
| 4)  | APOLITIKJA TË TË DIALLIAVET      | f. 65  |
| 5)  | TYPYKA TE MESHA                  | f. 69  |
| 6)  | LUMËRIT                          | f. 73  |
| 7)  | TRISAJON TË TË VDEKURVËT         | f. 81  |
| 8)  | DITTICI                          | f. 88  |
| 9)  | KREMTIET                         | f. 91  |
| 10) | MESHA E SHËN VASIJIT<br>TË MATHË | f. 158 |